



千秋萬載 一統江湖

屯門青年獅子會設計及出版組誠意獻上

三月重點活動：三月廿八日本會兒戲爭霸戰
總舵主宣佈參選下屆會長一職

寨主前半生



1

今期我地搵左我地會做戲最叻既張小慧青獅同我地做個訪問。相信大家都好關心小慧青獅演藝事業既去向，究竟佢下部戲幾時上呢，等我同大家問一問佢：

記：小慧，其實你覺得自己係一個點既人呢？

慧：我認爲自己既性格比較認真，對自己有要求既人，我記得係我以前做兼職既時候，曾經爲工作連續兩晚通宵工作，最後完成晒先比自己走。(記者無言...)

記：咁同寨主你合作咪好大壓力？會唔會試過同同事或朋友有爭執呢？

慧：咁又好少，我做人既宗旨一向係「律己以嚴，待人以寬既」。對其他人我唔會好似對自己咁高要求架。

記：其實寨你中學時係點既呢？

寨：我中學有咩特別，最難忘係中四個年第一次考美術科全級第一，我之前有讀過美術架，不過後來我會考美術科考得差，我將全部美術作品都送晒去填海啦。

記：其實小弟同寨主你係科大校友黎架，不如講下你係科大既事跡啦！

慧：我個時就勁啦，相比起中學，我覺得科大好開心，好自由，又唔駛返屋企，又可以同莊友一齊玩，個時我仲有搞地下電台，做過主持人架，又有搞過天主教同學會，經濟學會同大學既社會服務組織架。

記：睇唔出小慧你咁多時間呀下。其實你入左我地屯門會咁耐，對青獅會有咩感受呢？

慧：以我既性格，當年入會係一個好大既突破，我覺得我係青獅會有機會接觸到好多唔同既計劃啦，仲識左好多好似呀啲咁既好朋友，仲有浦多左呀。(記者心諗莫非寨主誤會左浦既意思?)

記：咁唔知黎緊係我地會你有咩計劃呢？

慧：我覺得我會想試下做小組主席，體驗下唔同小組既工作多做過做副會長既工作啦。

記：咁我相信下屆會長收到架啦。

1. 一個死靚妹
2. 寨主入會日(2004-01-04)
3. 科大畢業 (2003-11-15)
4. 寨主於後台 (2004-06-22)
5. 寨主登台前同 Fans 會面
6. 寨主攝於韓國



2




3



4



5



6

區會春茗

乙酉年正月十一日係青獅區會既春茗大日子，當晚大會係上環喜悅皇宮酒家開左廿一圍，有超過二百位青獅出席。我地屯門會就有聖姑、教主、舵主、寨主、型生、型太、神獸、Chris、Kitman、敬康、筆者同埋觀察會員 Kimmy 出席。個晚大家係新一年見面就梗係先互祝千秋萬載呀，一統江湖之類既說話先啦，聖姑當晚仲整到個頭好行，因為個既佢要做遊戲項目既司儀，我地屯門會都參加左一個好殘忍既項目，我地派出四位男丁，包括敬康、神獸、Roy Roy 同小弟出戰一個鬥快食野比賽，比賽一開始就由敬康



隔離個兩個咩人黎架？



我地咪型氏囉！
祝大家新年發大財！

一個人喪咗一罐 Jolly Sandy，然後由神獸表演餓獸搶蕉，跟住有 Roy Roy 一口咬晒成塊麵包皮，去到呢一刻，我地仍然係領先緊既... 到左最後一個，係由小弟負責乾一罐金威啤酒，無奈小弟實在對飲酒唔在行，竟然俾華都青獅 Terry 追到，最後只能同華都分享個冠軍。至於到左抽獎環節，屯門會當然係一貫咁好彩啦，我都唔記得有幾個獎了，總之叫佢地請食野就得架啦。最後最開心既梗係收到麥獅姐既開年利是啦，冇去既青獅就唔好羨慕了，下年記得去春茗。



鑪峰會長Edmond同聖姑



青獅區會、屯門獅子會同屯門青獅會三個最有權力的女人



大家好呀，我就係新Observer
Kimmy啦

We Care We Share

係二月二十日，寨主同Candy 帶住我地屯門會一眾青獅去到兩間小學舉行左一個名為「We Care We Share」既活動，協辦既兩間小學分別為南亞裔學生既官立嘉道理爵士小學同本地學生既保良局張凝文小學，我地希望透過呢個活動令到兩間小學既學生認識對方既文化同生活，學習互相接受同尊重。

活動當日既天氣非常之咁凍，大約得十度左右，不過呢個殺人既天氣都有辦法影響到我地熾熱既心情，當日一早我地去到兩間學校接左兩班學生去到大埔海濱公園既回歸塔介紹下大埔既歷史，雖然一開始南亞既學生比較靜，可能係怕羞啦，不過經過我地一輪熱身遊戲之後，我地好快已經打成一片。

跟住我地去到沙田既香港文化博物館了解下香港既文化歷史，我地一班義工好熱心咁介紹下香港的文化歷史，不過身為香港人，原來好多野我地自己都唔知既，所以當日我地都獲益不少。



到左下晝就更精彩啦，為左令兩間學校既學生了解下對方既生活，我地安排左佢地各自表演一D項目，香港既學生就表演吹牧童笛同唱歌，而幾位尼泊爾同印度既學生就表演左兩隻舞，仲教埋我地跳，原來神獸同敬康都好有潛質學佢地既民族舞。

咁我地身為活動主辦人當然唔會失禮啦，型生帶領我地演出左一套有關貼門神既起源既木偶戲，型生既創作天份實在幾好，有機會可以幫手出會刊啦。最後，全日既活動就咁完滿結束左啦，筆者認為是次活動十分有意義，連一班義工都學左好多，再一次多謝寨主同型太啦。



陳詠鈞青獅參選宣言：
各位屯門青獅，下個月又係我地會一年一度既會長競選月啦。本舵主已決定參選下屆會長，有幸成為候選人之一，心情既興奮又緊張，個種忐忑既心情真係難以言喻，係一個民主既選舉入面，我認為聽取會眾既聲音係十分重要既，因此本舵主希望係草擬政綱前能先聽取你們所需，若你們對本會發展有任何意見，歡迎聯絡本舵